



UNIVERSITETI I SHKODRËS  
"LUIGJ GURAKUQI"

FAKULTETI I SHKENCAVE TË EDUKIMIT

# Udhëzues për studentët e rinj!

2025-2026


[www.unishk.edu.al](http://www.unishk.edu.al)





- **Rektorati**
- **Palestra e USH-së**
- **Biblioteka e USH-së**
- **Fakulteti i Shkencave të Natyrës (FSHN)**
- **Fakulteti i Drejtësisë (FD)**
- **Fakulteti Ekonomik (FE)**
- **Fakulteti i Shkencave Shoqërore (FSHSH)**
- **Fakulteti i Shkencave të Edukimit (FSHE)**
- **Fakulteti i Cjohëve të Huaja (FGJH)**

Ky material u përgatit nga Drejtoria e Marrëdhënieve me Publikun dhe Studentët & Fakulteti i Shkencave të Edukimit, Universiteti i Shkodrës "Luigj Gurakuqi"



### *Fjalë përshëndetëse e Rektorit*

*Të dashur studente dhe studentë,  
Mirë se erdhët në Universitetin "Luigj Gurakuqi"  
të Shkodrës!*

Është privilegj dhe kënaqësi t'ju presim në një prej institucioneve më të hershme të arsimit të lartë në vend, që mbart mbi supë një traditë të pasur kulturore, qytetare dhe intelektuale. Shkodra ka qenë qysh në shekuj qendër e dijes dhe e mendimit kritik, vatër e botimeve të para në gjuhën shqipe dhe e figurave që kanë ndriçuar kulturën kombëtare. Universiteti ynë është vazhdimësi e kësaj trashëgimie: një hapësirë ku e kaluara ndërthuret me të ardhmen.

Ju keni zgjedhur të studioni në Shkodër, jo thjesht për një diplomë, por për t'u bërë pjesë e një qyteti që ka qenë gjithnjë i hapur ndaj dijes dhe përparimit, ku tradita e kulturës shkollare ndërthuret natyrshëm me sfidat e kohës. Emri i universitetit tonë mban Luigj Gurakuqin – një prej figurave më të ndritura të kombit, atdhetar, mendimtar e përhapës i dijes – shembull që na frymëzon edhe sot, për të lidhur studimet me përgjegjësinë qytetare dhe guximin për reforma.

Sot, universiteti ynë synon të udhëheqë reformat akademike dhe teknologjike, duke integruar në mësimdhënie e kërkim zhvillimet më bashkëkohore si, inteligjenca artificiale dhe aplikimet e saj ndërdisiplinore. Në mënyrë që krahas rritjes së cilësisë në mësimdhënie të jemi po aq të integruar ndërkombëtarisht, prej kësaj universiteti dhe stafet e tij sfidohen dhe krijojnë frymëmarrje për inovacionin. Si rektor, angazhimi im është që universiteti "Luigj Gurakuqi" të vazhdojë reformimin me studentin në qendër – qasje që e sheh studentin, jo vetëm si përfitues të dijes, por dhe si bashkëkrijues të saj. Ne besojmë se universiteti duhet të qeveriset me dhe për studentët, duke u bërë një komunitet i gjallë, ku zëri juaj dëgjohet dhe ku ndërtohet së bashku e ardhmja.

*Ju falënderoj që keni zgjedhur të nisni këtë rrugëtim në Shkodër dhe ju uroj suksese, krijimtari dhe guxim në kërkimin tuaj akademik!  
Mirë se erdhët në një traditë që tashmë është edhe e juaja!*

Prof. Dr. Tonin Gjuraraj  
Rektor i Universitetit të Shkodrës "Luigj Gurakuqi"



### *Të dashur studentë!*

Me krenari dhe shpresëplotë, ju përshëndes në shtëpinë tuaj të re akademike: Fakultetin e Shkencave të Edukimit të Universitetit të Shkodrës "Luigj Gurakuqi". Ju jeni pjesa më e freskët dhe premtuese e komunitetit tonë, të gatshëm për të filluar një nga udhëtimet më të bukura të jetës, udhëtimin për t'u bërë ndërtues të shoqërisë.

Nëpër departamentet tona: Departamentin e Edukimit Fizik dhe Sporteve, Departamentin e Arteve, Departamentin e Psikologjisë dhe Punës Sociale dhe Departamentin e Mësuesisë, ju do të përmbushni misionin tuaj. Këtu, në këto auditore do të përfitoni jo vetëm dijen, por do të kultivoni edhe shpirtin e shërbimit ndaj të tjerëve, atë humanizmin unik që i bën këto fusha kaq të rëndësishme dhe të nevojshme. Mësuesit, artistët, psikologët, punonjësit socialë dhe specialistët e sportit që dalin nga këto mure janë shtylla të padukshme të një shoqërie më të drejtë, më të ndjeshme dhe më të ndriçuar. Ju keni zgjedhur të prekni zemrat dhe mendjet e njerëzve, dhe për këtë zgjedhje të madhe, ju përgëzojmë që tani.

Ndërsa filloni këtë kapitull të ri, mbani mend: diploma që do të fitoni në fund të kësaj udhe nuk është thjesht një dokument. Ajo është simboli i përgjegjësisë që do të merrni për të ndërtuar ura besimi, për të frymëzuar brezat dhe për të ndihmuar ata që kanë më shumë nevojë.

Në emër të gjithë komunitetit tonë akademik, ju urojmë rrugëtim sa më të mbarë dhe të frytshëm. Mbani gjithmonë lart pishtarin e dijes, përkushtimin dhe dashurinë për profesionin që keni zgjedhur.

*Mirësevini në familjen tonë të madhe! Suksese në udhëtimin tuaj!*

Prof. As. Dr. Eranda Halluni  
Dekane e Fakultetit të Shkencave të Edukimit

|                                                               |    |
|---------------------------------------------------------------|----|
| Universiteti i Shkodrës "Luigj Gurakuqi" .....                | 5  |
| Fakulteti i Shkencave të Edukimit .....                       | 8  |
| Pjesë nga Regullorja e Studimeve .....                        | 11 |
| Platformat e Studentëve .....                                 | 15 |
| Sekretaritë Mësimore .....                                    | 17 |
| Këshillat Studentorë .....                                    | 17 |
| Bursat & Tarifat .....                                        | 18 |
| Ndërkombëtarizimi .....                                       | 19 |
| Klubet Studentore .....                                       | 21 |
| Drejtoria e Marrëdhënieve me Publikun dhe Studentët .....     | 23 |
| Njësia e Sigurimit të Brendshëm të Cilësisë .....             | 25 |
| Infrastruktura .....                                          | 26 |
| Biblioteka e Universitetit të Shkodrës "Luigj Gurakuqi" ..... | 26 |
| Palestra e Universitetit të Shkodrës "Luigj Gurakuqi" .....   | 28 |
| Mensa studentore .....                                        | 28 |
| Konvikti i studentëve .....                                   | 28 |
| Pedagogët sipas departamenteve .....                          | 29 |

## Universiteti i Shkodrës "Luigj Gurakuqi"

### 02.09.1957

U themelua Instituti i Lartë Pedagogjik 2 vjeçar i Shkodrës me Fakultetin e Shkencave të Natyrës.

### 1970-1971

ILP i Shkodrës u kthye nga 2 vjeçar në 3 vjeçar

### 1982-1983

ILP i Shkodrës u kthye nga 3 vjeçar në 4 vjeçar

### 28.05.1991

Fitoi statusin ligjor si Universitet: Universiteti i Shkodrës "Luigj Gurakuqi".  
Në përbërjen e tij do të kishte: Fakultetin e Shkencave Shoqërore, Fakultetin e Shkencave të Natyrës, Fakultetin e Ciklit të Ulët

### 01.09.1991

Fakulteti i Ciklit të Ulët emërtohet Fakulteti i Shkencave të Edukimit.

### 13.05.1996

U themeluan Fakulteti Ekonomik & Fakulteti i Drejtësisë

### 20.01.2001

U themelua Fakulteti i Gjuhëve të Huaja.

### 2004-2005

Zbatimi i Sistemit të Bolonjës



## Fakultetet

### **FAKULTETI I SHKENCAVE TË NATYRËS**

Departamenti i Biologji-Kimisë  
Departamenti i Fizikës  
Departamenti i Matematikës  
Departamenti i Lëndëve Paraklinike  
Departamenti i Lëndëve Klinike  
Qendra e Studimit të Ujërave të  
Rajonit të Shkodrës

### **FAKULTETI I SHKENCAVE TË EDUKIMIT**

Departamenti i Mësuesisë  
Departamenti i Psikologjisë  
dhe Punës Sociale  
Departamenti i Edukimit Fizik  
dhe Sporteve  
Departamenti i Arteve

### **FAKULTETI I SHKENCAVE SHOQËRORE**

Departamenti i Gjuhës Shqipe  
Departamenti i Letërsisë  
Departamenti i Historisë  
Departamenti i Gjeografisë  
Qendra e Studimeve Albanologjike

### **FAKULTETI I GJUHËVE TË HUAJA**

Departamenti i Gjuhës Angleze  
Departamenti i Gjermanistikës  
Departamenti i Romanistikës

### **FAKULTETI I DREJTËSISË**

Departamenti i të Drejtës Publike  
Departamenti i të Drejtës Civile  
Departamenti i të Drejtës  
Ndërkombëtare dhe Evropiane

### **FAKULTETI EKONOMIK**

Departamenti i Administrim-Biznesit  
Departamenti i Financë-Kontabilitetit  
Departamenti i Turizmit

## Shifra & Fakte

**Aktualisht, USH-ja ofron 74 programe studimi të ndryshme në tre ciklet e studimit:**

Cikli i Parë – Bachelor (**30** programe studimi)

Cikli i Dytë – Master i Shkencave (**24** programe studimi), Master Profesional (**13** programe studimi), Program i Integruar i Studimeve të Ciklit të Dytë Master i Shkencave (**1** program studimi)

Cikli i Tretë – Doktoraturë (**2** programe studimi)

Gjithashtu, ofrohen **3** Programe Profesionale dhe **1** Program Studimi i Formimit të Vazhduar.

Studentë të  
Diplomuar Bachelor:

**34993**

Studentë të Diplomuar  
Master Profesional:

**2199**

Studentë të Diplomuar  
Master Shkencor:

**1325**

Shkolla  
Doktorale:


**13**

Universiteti i Shkodrës "Luigj Gurakuqi" është akredituar me vendim të ASCAL Nr. 03, datë 24.01.2020.

### Stafi akademik i USH-së konsiston në:

Kategoria Prof. Dr. **14**  
Kategoria Prof. As. Dr. **46**

Kategoria Dr. **87**  
Kategoria Msc. **53**



- Kategoria Prof. Dr
- Kategoria Prof. As. Dr
- Kategoria Dr.
- Kategoria Msc.

**Staf joakademik në USH: 120**

# Fakulteti i Shkencave të Edukimit

Fakulteti i Shkencave të Edukimit i ka fillesat e tij në vitin akademik 1991-1992, me hapjen e programit të studimit për Mësues për klasat 1-4 të shkollës 8 – të vjetare (Cikli i ulët). Po në këtë vit akademik, u krijua për herë të parë, në USH, katedra e Psikologjisë dhe Pedagogjisë e cila kishte në ngarkim edhe degët e Mësuesisë për Ciklin e Ulët.



## MISIONI

Misioni i FSHE-së vjen në të njëjtën linjë me misionin e USH-së, duke synuar krijimin, zhvillimin, mbrojtjen dhe transmetimin e dijeve me anën e mësimdhënies dhe të punës kërkimore shkencore, formimin e specialistëve të lartë dhe përgatitjen e shkencëtarëve të rinj në fushën e mësimdhënies në arsimin parashkollor, në arsimin fillor, edukimin fizik, në fushën e arteve dhe në fushat e shkencave sociale me specialitet psikologjinë dhe punën sociale. FSHE punon në realizimin e objektivave me qëllim që të sigurojë një mësimdhënie të kualifikuar, të krijojë kushte për mësim dhe kërkim shkencor si dhe të përgatisë specialistë të aftë në të gjitha disiplinat që mbulon FSHE.

## POLITIKA E CILËSISË

Të mbajë dhe të zhvillojë më tej rolet dhe funksionin e fakultetit si sigures i cilësisë në arsimimin e të gjitha shtresave në funksion të prioriteteve të zhvillimit të vendit.

## ÇFARË OFRON FAKULTETI?

- ☑ Kurrikula të pasura dhe të larmishme programesh mësimore në të dy nivelet, (Cikli I dhe Cikli II), në zbatim të Deklaratës së Bolonjës, legjislaconit për Arsimin e Lartë dhe udhëzimeve të MAS, në përputhje me nevojat e tregut, që u siguron studentëve mundësinë për të fituar njohuritë e fundit akademike dhe aftësitë e nevojshme praktike.
- ☑ Staf akademik të kualifikuar me tituj e grada shkencore, profesionalizëm dhe përkushtim i tij për t'u përballuar me sfidat për përmbushjen e qëllimeve që ka FSHE-ja.
- ☑ Nivel të lartë të punës kërkimore - shkencore të pedagogëve dhe të aktivitetit të tyre botues.
- ☑ Monitorim i përvitshëm i cilësisë së mësimdhënies.
- ☑ Numër të lartë aktivitetesh të realizuara nga pedagogët me studentë (orët e hapura, të ftuar specialistë të fushës).
- ☑ Marrëdhënie të ngushtë bashkëpunimi me institucionet e qeverisjes lokale dhe shërbimet e ofruara nga OJF – të, ku zhvillohen praktikatat profesionale të studentëve.
- ☑ Bashkëpunim të vazhdueshëm të Fakultetit të Shkencave të Edukimit me komunitetin akademik, e më gjerë.

# Historiku i Fakultetit të Shkencave të Edukimit

## Departamenti i Mësuesisë

### 1991-1992

Hapet programi "Mësuesi për klasat 1-4" (sot: Bachelor në Mësuesi për Arsimin Fillor) dhe krijohet katedra e Psikologjisë dhe Pedagogjisë.

### 1996

Hapet programi Bachelor në Mësuesi për Arsimin Parashkollor (VKM nr.332, dt. 13.05.1996).

### 2012-2013

Hapet Master Profesional në Mësuesi për Arsimin Fillor (Urdhri nr.6641, dt. 07.12.2012).

### 2023-2024

Hapet Master Profesional në Pedagogji Speciale

### 2023-2024

Hapet programi Çertifikata për Formimin Psiko-Pedagogjik (1 semestër, 35 ECTS).

## Departamenti i Arteve

### 2011-2012

Hapet programi Pikturë dhe Grafikë (Bachelor dhe Master Profesional).

### 2013-2014

Hapet programi Pedagogji Muzikore.

### 2022-2023

Hapet programi Mësues i Artit Pamor

### 2022-2023

Hapet programi Mësues Muzike

## Departamenti i Edukimit Fizik dhe Sporteve

### 2006

Hapet Bachelor në Edukim Fizik dhe Sporte (VKM nr.2742, dt. 27.04.2006).

### 2024

Hapet Master i Shkencave në Mësuesi: Edukim Fizik, Sport dhe Shëndet (Vendimi Senatit nr.218, dt. 09.10.2024).

## Departamenti i Psikologjisë dhe Punës Sociale

### 2004

Hapet Bachelor në Psikologji (VKM nr.4276, dt. 01.07.2004).

### 2005



Hapet Bachelor në Punë Sociale (VKM nr.4642, dt. 18.07.2005).

### 2011

Hapet Master i Shkencave në Psikologji Organizative, Psikologji Ligjore, Psikologji Klinike (Urdhri nr.395, dt. 10.08.2011).

### 2020

Hapet Master Profesional në Shërbime Sociale (Vendimi i Bordit Administrativ nr.300, dt. 29.09.2020).



# Organizimi i Fakultetit

## Dekane e Fakultetit

### të Shkencave të Edukimit

Prof. As. Dr. Eranda Halluni  
eranda.halluni@unishk.edu.al

## Zv. Dekane e Fakultetit

### të Shkencave të Edukimit

Dr. Arlinda Ymeri  
arlinda.ymeri@unishk.edu.al

## Sekretare e Dekanit:

Klodiana Prenga  
klodiana.prenga@unishk.edu.al

## Sekretare mësimore:

Kozeta Bushati  
kozeta.bushati@unishk.edu.al  
Azra Zmijanej  
azra.zmijanej@unishk.edu.al

## IT i Fakultetit

Virtyt Bushati  
virtyt.bushati@unishk.edu.al

## Programet e studimit:

### Departamenti i Mësuesisë

Bachelor në Mësuesi për  
"Arsimin fillor" (180 ECTS)  
Bachelor në Mësuesi për  
"Arsimin parashkollor" (180 ECTS)  
Master profesional në Mësuesi për  
"Arsimin fillor" (120 ECTS)  
Master profesional në  
"Pedagogji Speciale" (120 ECTS)  
Programi i studimit të formimit  
të vazhduar në fushën  
psiko-pedagogjike (35 ECTS).

### Departamenti i Psikologjisë dhe Punës sociale

Bachelor në "psikologji" (180 ECTS)  
Bachelor në "Punë sociale" (180 ECTS)  
Master i shkencave në "Psikologji klinike" (120 ECTS)  
Master i shkencave në "Psikologji organizative" (120 ECTS)  
Master Profesional në "Shërbimet Sociale" (60 ECTS).

## Departamentet e FSHE-së

### Departamenti i Mësuesisë

Drejtores e Departamentit  
Dr. Pranvera Kraja  
pranvera.kraja@unishk.edu.al

### Departamenti i Psikologjisë dhe Punës sociale

Drejtores e Departamentit  
Dr. Elona Hasmuja  
elona.hasmuja@unishk.edu.al

### Departamenti i Edukimit Fizik e Sporte

Drejtor i Departamentit  
Dr. Benjamin Naku  
benjamin.naku@unishk.edu.al

### Departamenti i Arteve

Drejtor i Departamentit  
Dr. Rubin Mandija  
rubin.mandia@unishk.edu.al

### Departamenti i Edukimit fizik e Sporte

Bachelor në "Edukim fizik" (180 ECTS)  
Master shkencorë në Mësuesi për  
"Edukim fizik dhe Sporte" (120 ECTS).

### Departamenti i Arteve

Bachelor në Pedagogji muzikore  
(180 ECTS)  
Bachelor në Pikturë dhe Grafikë  
(180 ECTS)  
Master profesional në "Mësues muzike"  
(120 ECTS),  
Master profesional "Mësues i Artit Pamor"  
(120 ECTS).

## Pjesë nga Rregullorja e Studimeve

### **Neni 4**

**Ciklet e studimit dhe afatet e tyre**

**1. Programet e studimeve në USH organizohen në tre cikle të njëpasnjëshme :**

- a. Studime të ciklit të parë.
- b. Studime të ciklit të dytë.  
Master i shkencave  
Master profesional
- c. Studime të ciklit të tretë

### **2. Kohëzgjatja e studimeve**

Kohëzgjatja maksimale e studimeve në një program studimi nuk mund të jetë më shumë se dyfishi i kohëzgjatjes normale të studimeve që parashikon programi, pa marrë në konsideratë periudhën e kohës kur studenti i ka pezulluar studimet.

Studenti, që nuk arrin të përfundojë studimet brenda kohëzgjatjes maksimale të programit, ka të drejtë të aplikojë për të rifilluar studimet, në të njëjtin program studimi ose në një program tjetër. Ai u nënshtrohet kriterëve dhe procedurave të shpallura për regjistrimin në programin e studimit të institucionit. Kreditet e grumbulluara nga studenti gjatë periudhës së mëparshme të studimeve mund të transferohen me vendim të Njesisë Bazë të institucionit që pranon studentin, sipas procedurave dhe kriterëve të përcaktuara në rregulloren e saj.

### **Neni 5**

**Viti akademik**

1. Studimet në USH zhvillohen në vite akademike. Data zyrtare e fillimit të vitit akademik shpallet nga ministri përgjegjës për arsimin. Viti akademik organizohet në semestra. Sipas udhëzimeve të Ministrisë së Arsimit dhe me vendim të Rektoratit hartohet struktura mësimore e vitit akademik e ndarë në javë mësimore dhe javë për provime e riprovime.

### **Neni 7**

**Cilësimi "student"**

Cilësimi "student" fillon me regjistrimin në USH dhe mbaron me marrjen e diplomës, me largimin ose me përjashtimin nga USH. Gjatë gjithë kësaj periudhe studenti është i detyruar të zbatojë Statutin dhe rregulloret e USH-së.

## **Neni 22**

### **Sistemi i vlerësimit**

1. Vlerësimi i përparimit të studentëve bëhet me notë.

2. Shkalla e përvetësimit të programit mësimor vlerësohet me sistemin prej 10 notash. Nota me e ulët për kalim në një disipline është 5.

3. Në format e kontrollit me shkrim përdoret sistemi i vlerësimit me pikë, rezultati i të cilit kthehet detyrimisht në notë.

4. Vlerësimi i studentit bëhet në dy pjesë: vlerësimi i vazhduar gjatë vitit për elementet e përcaktuara në programin e disiplinës/modulit dhe vlerësimi në provim. Vlerësimi i vazhduar gjatë vitit për lëndët/modulet e cilësuara provim në planin mësimor përfaqëson 20-40% të vlerësimit përfundimtar.

## **Neni 27**

### **Regjistrimi i studentëve në sistem**

1. Studentët e rregullt regjistrohen në sistem për pjesëmarrje në provim nga Sekretaria Mësimore. Pedagogët duhet të çojnë në SM listën e studentëve që për shkak të mungesave nuk futen në provim.

2. Studentët përsëritës të vitit të parë dhe vitit të dytë regjistrohen në provimet e kursit nga sekretaria mësimore.

## **Neni 31**

### **Sezonet e zhvillimit të provimeve të kursit**

1. Provimet në USH organizohen në dy sezone:

**Sezoni i parë:** Pas përfundimit të procesit mësimor të semestrit të parë organizohet provim për të gjitha disiplinat e zhvilluara në këtë semestër, që në planin mësimor janë shënuar si provime.

**Sezoni i dytë:** Pas përfundimit të procesit mësimor të semestrit të dytë organizohet provim për të gjitha disiplinat e zhvilluara në këtë semestër, që në planin mësimor janë shënuar si provime.

2. Riprovimet në USH organizohen në 2 sezone:

Sezoni i vjeshtës: gjatë muajit shtator. Në këtë sezon studentët kanë të drejtë të shlyejnë deri në 6 provime të mbetura të vitit në vazhdim apo të bartura nga vitet paraardhëse.

Sezoni i pranverës: gjatë vitit shkollor përkatës (në periudhën mars-prill). Në këtë sezon studentët kanë të drejtë të shlyejnë deri në 6 provime të bartura.

### **Neni 40**

#### **Të drejtat dhe detyrat e studentit**

##### **Studenti ka të drejtë:**

- Të përdorë, sipas rregulloreve përkatëse, të gjitha mundësitë dhe (infrastrukturën) pajisjet që ofron universiteti për të realizuar programin mësimor dhe punën e programuar në aktivitetin e tij shkencor;
- Të përfitojë bursë studimi brenda ose jashtë shtetit, kur plotëson kushtet e përcaktuara me aktet e normave në fuqi;
- Studenti provohet vetëm një herë për përmirësim note dhe vetëm në sezonin e riprovimeve të vjeshtës. Kur studentin nuk paraqitet mbetet në fuqi nota e parë;
- Studentit prapambetës i njihen detyrimet e shlyera në vitet paraardhëse në përputhje me programin e vitit që vazhdon;

##### **Studenti është i detyruar:**

- Të njohë dhe të zbatojë të gjitha rregullat që rrjedhin nga Statuti i Universitetit, nga kjo "Rregullore" dhe nga çdo akt tjetër ligjor e nënligjor. Në të kundërt USH nuk mban përgjegjësi për pasojat që mund të rrjedhin nga mosnjohja e tyre;
- Studenti është i detyruar të përgjigjet për programin mësimor që është miratuar për vitin akademik që ai ndjek;
- Të shlyejë të gjitha detyrimet e përcaktuara në planin mësimor dhe në programet e disiplinave të veçanta.
- Të zhdëmtojë, sipas rregullave në fuqi, të gjitha dëmtimet e vlerave materiale të kryera prej tij;
- Të shlyejë detyrimet e reja që lindin për shkak të ndryshimeve që mund të jenë bërë në planin mësimor
- Të paguajë tarifën eshkollimit sipas afateve të përcaktuara nga Rektorati
- Të zbatojë të gjitha rregullat e etikës

Rregullorja e studimeve mund të jetë objekt ndryshimi, ndaj gjithmonë referoju ndryshimeve të fundit.



[https://unishk.edu.al/fileadmin/user\\_upload/2024/rregullore/Vendimi\\_i\\_Senatit\\_akademik\\_nr\\_182\\_date\\_28.05.2019.pdf](https://unishk.edu.al/fileadmin/user_upload/2024/rregullore/Vendimi_i_Senatit_akademik_nr_182_date_28.05.2019.pdf)  
[https://unishk.edu.al/fileadmin/user\\_upload/2024/rregullore/4456\\_12062020121424.pdf](https://unishk.edu.al/fileadmin/user_upload/2024/rregullore/4456_12062020121424.pdf)



Për t'u informuar më tej në lidhje me Statutin e USH, Vendime të Senatit, Rregullore institucionale, etj, mund t'i gjeni në linkun më poshtë  
<https://unishk.edu.al/universiteti/autoritetet-dhe-organet-drejtuese/rektorati#c181>



# Platformat e Studentëve

## Adresa Elektronike Zyrtare e Studentit

Çdo student pajiset me një adresë e-maili zyrtare në formatin:  
`emër_mbiemër@unishk.edu.al`

**Pajisja me adresën elektronike është e rëndësishme sepse:**

- ✓ Përbën mjetin kryesor të komunikimit mes studentëve dhe stafit akademik.
- ✓ Siguron akses në njoftime zyrtare, materiale mësimore dhe shërbime universitare.
- ✓ Përdoret për hyrjen në platformat online të studimeve.

Përmes saj mund të aksesoni paketën Office 365 (Word, Excel, PowerPoint, Teams, OneDrive etj.). Për udhëzime mbi përdorimin e aplikacioneve vizitoni:  
**Instruksione Office 365**



## Sistemi i Pitagorës

Sistemi elektronik Pitagora është platforma zyrtare e Universitetit të Shkodrës për menaxhimin e të dhënave studentore.  
Përmes tij studentët mund të:

- Regjistrohen në lëndë dhe provime
- Shohin rezultatet e provimeve
- Gjurmojnë progresin akademik
- Marrin njoftime zyrtare nga fakulteti

## Si të regjistroheni?

- ✓ Hyni në faqen zyrtare të sistemit Pitagora: <https://ushk.pitagora.rash.al/login>
  - ✓ Përdorni adresën institucionale të e-mailit të Universitetit të Shkodrës (emri\_mbiemri@unishk.edu.al).
  - ✓ Vendosni fjalëkalimin tuaj (i cili jepet nga përgjegjësi i IT-së në momentin që do të keni të aktivizuar adresën e studentit).
  - ✓ Tek menuja do të gjeni informacione që lidhen kryesisht me provimet, librezën e notave, mungesat dhe kurrikulën e detajuar mësimore.
- Kontakt: [it@unishk.edu.al](mailto:it@unishk.edu.al)



## Microsoft Teams – Komunikimi dhe Bashkëpunimi Online

Microsoft Teams është platforma zyrtare për komunikim dhe bashkëpunim midis studentëve dhe pedagogëve. Ajo mundëson leksione online, takime me video, biseda dhe ndarje skedarësh.

### Si të hyni:

- ✓ Shkarkoni aplikacionin Microsoft Teams (PC ose celular).
- ✓ Hyni me adresën zyrtare të e-mailit [it@unishk.edu.al](mailto:it@unishk.edu.al).
- ✓ Zgjidhni ekipin/lëndën/klasën ku jeni regjistruar. Zakonisht klasa hapet nga pedagogu i lëndës. Ai mund t'ju regjistrojë direkt në klasën e tij virtuale, ose ju jep një kod që ju të regjistroheni në atë klasë.

### Përdorime kryesore:

- ✓ Ndjekja e mësimet online dhe takime me pedagogët.
- ✓ Komunikimi me grupin e kursit.
- ✓ Shkëmbimi i materialeve dhe skedarëve.



## Sekretaritë Mësimore

Struktura e sekretarive është pjesë e strukturës së përgjithshme të Universitetit të Shkodrës "Luigj Gurakuqi". Sekretaritë mësimore janë struktura ndihmës akademike me karakter administrativ në nivel njësie kryesore dhe kanë për mision funksionimin, organizimin dhe shërbimin ndaj studentëve dhe stafit akademik. Sekretaria mësimore e Universitetit të Shkodrës "Luigj Gurakuqi" përbëhet nga Kryesekretaria dhe Sekretaritë Mësimore të fakulteteve, të cilat janë përgjegjëse për programet e studimit sipas ndarjes së miratuar nga Dekani i Fakultetit.

Ju mund t'i drejtoheni sekretarisë së programit ku studioni për vërtetime të ndryshme si: vërtetim notash të pjesshme, vërtetim notash të plota, vërtetim i thjeshtë studenti, regjistrime, çregjistrime, tërheqje diplomash, etj.

Zakonisht, orari i pritjes së studentëve pranë sekretarive mësimore është nga e hëna në të premte, ora 12.00-14.00.

## Këshillat Studentore

Këshillat e Studentëve janë struktura të pavarura të krijuara dhe drejtura nga vetë studentët, me qëllim përfaqësimin dhe mbrojtjen e interesave të tyre brenda institucioneve të arsimit të lartë. Këshillat krijohen në bazë të ligjit për arsimin e lartë dhe rregulloreve të brendshme të universitetit. Ato nuk janë politike apo ekonomike në natyrë dhe nuk lidhen me organizata jashtë universitetit. Universiteti mbështet dhe financon veprimtaritë e Këshillave të Studentëve, duke u dhënë hapësirë për t'u zhvilluar dhe për të ndikuar realisht në përmirësimin e jetës studentore.

### Misioni i Këshillave

- ☒ Të promovojnë pjesëmarrjen aktive të studentëve në jetën universitare.
- ☒ Të përfaqësojnë studentët në organet vendimmarrëse të universitetit.
- ☒ Të japin mendime dhe propozime për çështje me interes studentor.

### Parime të përgjithshme

- ☒ Anëtarët e këshillave zgjidhen çdo 2 vjet përmes votimeve nga të gjithë studentët.
- ☒ Këshillat Studentorë të Fakulteteve (KSF) të USH-së, përbëhen nga 3 anëtarë.
- ☒ Këshilli Studentor Institucional (KSI) i USH-së, përbëhet nga 5 anëtarë.
- ☒ Kryetar i KSF apo KSI, zgjidhet automatikisht kandidati që është votuar më shumë nga lista e kandidatëve pjesëmarrës në garë.
- ☒ Nëse një anëtar përfundon studimet, zëvendësohet nga kandidati pasardhës në listën e votimeve.

## Këshillat e Studentëve japin opinione dhe sugjerime për:

- ✓ Programet e studimit dhe rregulloret akademike
- ✓ Tarifat e shkollimit dhe shërbimet studentore
- ✓ Buxhetet dhe përdorimin e fondeve
- ✓ Aktivitetet kulturore, artistike dhe sportive
- ✓ Të drejtën për të studiuar dhe cilësinë e mësimdhënies

### Rregullore e Këshillave Studentorë

[https://unishk.edu.al/fileadmin/user\\_upload/rregullore/Rregullore\\_per\\_zgjedhjet\\_e\\_keshillave\\_te\\_studenteve\\_ne\\_Universitetin\\_Luigj\\_Gurakuqi.pdf](https://unishk.edu.al/fileadmin/user_upload/rregullore/Rregullore_per_zgjedhjet_e_keshillave_te_studenteve_ne_Universitetin_Luigj_Gurakuqi.pdf)



## Bursat & Tarifat

Në Universitetin e Shkodrës "Luigj Gurakuqi", studenti mund të përfitojë bursa si më poshtë:

### Bursa me kriter ekonomik

- ✓ Studentët nga familje me ndihmë ekonomike.
- ✓ Bashkëshortët me fëmijë, kur të dy janë studentë.
- ✓ Studentët me aftësi të kufizuara, të vërtetuara nga komisioni mjekësor.
- ✓ Studentët me të dy prindërit pensionistë, ose me një prind pensionist dhe tjetrin të ndjerë.
- ✓ Studentët që janë fëmijë i tretë (ose më shumë) në familje me të paktën tre fëmijë, ku dy të parët studiojnë në universitete publike.
- ✓ Studentët me status jetimi, deri në moshën 25 vjeç.
- ✓ Studentët deri në moshën 25 vjeç që kanë humbur kujdestarinë prindërore me vendim gjykatë.
- ✓ Studentët deri në moshën 25 vjeç me status ligjor si viktimat të trafikimit të qenieve njerëzore.
- ✓ Studentët që janë fëmijë të punonjësve të Policisë, Gardës, Forcave të Armatosura, SHISH-it, apo Policisë së Burgjeve, të cilët kanë humbur jetën në krye të detyrës.

### Bursa për arritje të larta akademike

- ✓ Studentët, të cilët kanë notë mesatare 9-10: bursë + përjashtim nga tarifa e shkollimit
- ✓ Studentët me mesatare mbi 6 (gjashtë): përgjysmim i tarifës së shkollimit

### Bursa për programe prioritare

- ✓ Studentët që ndjekin degët prioritare të përcaktuara sipas udhëzimit të ministrisë

### Bursa për mobilitet ndërkombëtar Erasmus+

- ✓ Studentët e Universitetit të Shkodrës kanë të drejtë të aplikojnë çdo vit për thirrjet e mobilitetit në universitete evropiane.

## Çfarë duhet të bësh?

- ✓ Ndiq njoftimet për mobilitet në faqen zyrtare të Universitetit të Shkodrës: [www.unishk.edu.al](http://www.unishk.edu.al)
- ✓ Përgatit dokumentacionin sipas udhëzimeve të thirrjes.
- ✓ Kontakto me Zyrën e Marrëdhënieve me Jashtë për sqarime dhe asistencë në adresën [iroshkoder@unishk.edu.al](mailto:iroshkoder@unishk.edu.al)

Për informacione të mëtejshme në lidhje me bursat:  
<https://unishk.edu.al/universiteti/autoritetet-dhe-organet-drejtuese/rektorati/drejtoria-e-finances-dhe-buxhetit/bursa>



Për informacione të mëtejshme në lidhje me tarifat e shkollimit:  
<https://unishk.edu.al/universiteti/autoritetet-dhe-organet-drejtuese/rektorati/drejtoria-e-finances-dhe-buxhetit/tarifa-shkollimi>



Për informacione të mëtejshme në lidhje me reduktime të tarifave të shkollimit:  
<https://unishk.edu.al/universiteti/autoritetet-dhe-organet-drejtuese/rektorati/drejtoria-e-finances-dhe-buxhetit/perjashtime/reduktime-te-shkollimit>

## Ndërkombëtarizimi

Universiteti ofron një gamë mundësish ndërkombëtare për të zgjeruar përvojën akademike dhe profesionale. Këto mundësi ndihmojnë studentët të zgjerojnë horizontet, të praktikojnë njohuritë e marra dhe të përgatiten për tregun global të punës.

**“Credit Mobility”** është pjesë e programit **Erasmus+**, i cili mundëson **shkëmbimin e studentëve** ose stafit akademik apo administrativ për një periudhë të kufizuar kohë në një universitet tjetër, me qëllim që të marrin mësim, të japin mësim ose të zhvillojnë trajnim, dhe pastaj të kthehen në institucionin e origjinës.

- ✓ **Studentët** shkojnë për një semestër ose një vit akademik në një universitet partner. Kreditet që fitojnë atje (ECTS) njihen nga universiteti i origjinës.
- ✓ **Stafi akademik** mund të shkojë për të dhënë mësim në një universitet tjetër.
- ✓ **Stafi administrativ** mund të marrë pjesë në trajnime apo shkëmbime pune.
- ✓ **Qëllimi:** forcimi i bashkëpunimit ndërkombëtar, përmirësimi i cilësisë së arsimit, shkëmbimi kulturor dhe zhvillimi i aftësive.



**Universiteti i Shkodrës ka disa marrëveshje Credit Mobility të nënshkruara me Universitete partnere. Ndër më kryesoret janë:**

- ☑ University of Vechta, Germany
- ☑ University of Varna, Bulgaria
- ☑ University of Almera, Spain
- ☑ University of Economics, Prague  
Czech Republic
- ☑ University of Complutense, Spain
- ☑ University of Economics Krakow, Poland
- ☑ University of Jean, Spain
- ☑ University of Ostravia, Czech Republic
- ☑ University of Vidzeme, Letonia
- ☑ University of Foro Italico, Italy
- ☑ Università degli Studi di Messina, Italy
- ☑ Università degli studi di Bergamo, Italy
- ☑ Università degli studi di Bologna, Italy
- ☑ Università della Campania "Luigi Vanvitelli", Italy
- ☑ University of Warsaw, Poland
- ☑ University of Camerino, Italy
- ☑ Faculty of Natural Sciences, Nursing,  
Sud Tiroi
- ☑ University of Timisoara, Romania
- ☑ University of Salento, Italy
- ☑ COMMO IX European programme -  
ERASMUS + KA171
- ☑ Saxon University
- ☑ University of Bari "Giuseppe Degennaro"  
(LUM), Italy

## Klubet studentore

Klubet studentore janë grupe të organizuara nga studentët për të ndjekur aktivitete të caktuara, që mund të lidhen me fusha akademike, pasione personale, çështje shoqërore, kultura të ndryshme apo thjesht argëtim. Ata funksionojnë brenda mjedisit universitar dhe zakonisht mbështeten nga universiteti përmes hapësirave, burimeve ose udhëzimeve.

***Pse janë të rëndësishëm?***

*Klubet ofrojnë mundësi për t'u angazhuar në aktivitete që e pasurojnë jetën universitare.*

*Pjesëmarrja në klube studentore ndihmon studentët të:*

- ✓ Zhvillojnë aftësi udhëheqëse dhe bashkëpunimi
- ✓ Ndërtojnë miqësi dhe rrjete profesionale
- ✓ Përfjethesojnë universitetin përtej klasës
- ✓ Përgatiten më mirë për tregun e punës

## Klubet studentore në Universitetin e Shkodrës

***Klubi Studentor "Fryma e Natyrës"***

*Mbrojtja e mjedisit dhe aktivitetet ekologjike*  
[aurore.dibra@unishk.edu.al](mailto:aurore.dibra@unishk.edu.al)

***Klubi Studentor "Tesla"***

*Projekte në fushën e fizikës dhe teknologjisë*  
[senada.jubica@unishk.edu.al](mailto:senada.jubica@unishk.edu.al)

***Klubi Studentor "MediKlub"***

*Aktivitete për studentët e infermierisë*  
[vera.gjinaj@unishk.edu.al](mailto:vera.gjinaj@unishk.edu.al)

***Klubi Studentor "Ndihma e Parë"***

*Trajnime dhe simulime për situata emergjente*  
[julian.kraja@unishk.edu.al](mailto:julian.kraja@unishk.edu.al)

***Klubi Studentor "Ernest Koliqi"***

*Arti i fjalës dhe aktivitete letrare*  
[ismet.kallaba@unishk.edu.al](mailto:ismet.kallaba@unishk.edu.al)

***Klubi Studentor "Arshi Pipa"***

*Arti i fjalës dhe aktivitete letrare*  
[anisa.kosteri@unishk.edu.al](mailto:anisa.kosteri@unishk.edu.al)

***Klubi Studentor "Mozaik"***

*Diskutime mbi historinë dhe shoqërinë*  
[anelmo.spahija@unishk.edu.al](mailto:anelmo.spahija@unishk.edu.al)

***Klubi Studentor "Eksploratorët e Veriut"***

*Eksplorimi i natyrës dhe guidë turistike*  
[orjeta.baja@unishk.edu.al](mailto:orjeta.baja@unishk.edu.al)





### ***Klubi Studentor "Artan Bushati"***

Sport dhe aktivitet fizik  
[erjon.pegini@unishk.edu.al](mailto:erjon.pegini@unishk.edu.al)

### ***Klubi Studentor "Vildan Tufi"***

Aktivitete sportive, edukative dhe shoqërore  
[dritmar.jubica@unishk.edu.al](mailto:dritmar.jubica@unishk.edu.al)

### ***Klubi Studentor "Observe"***

Psikologji dhe zhvillim personal  
[elona.hasmujaj@unishk.edu.al](mailto:elona.hasmujaj@unishk.edu.al)

### ***Klubi Studentor "Books and Friends"***

Lexime, diskutime dhe lidhje përmes librave  
[ambra.hysa@unishk.edu.al](mailto:ambra.hysa@unishk.edu.al)

### ***Klubi Studentor "Vehbi Hoti"***

Trashëgimi, edukim dhe vizion për të ardhmen  
[rina.gera@unishk.edu.al](mailto:rina.gera@unishk.edu.al)

### ***Klubi Studentor i Arteve***

Art, muzikë, pikturë, teatër, poezi  
[dorjan.ulaj@unishk.edu.al](mailto:dorjan.ulaj@unishk.edu.al)

### ***Klubi Studentor "Ratio Legis"***

Diskutim dhe analizë e çështjeve ligjore  
[eugena.bisha@unishk.edu.al](mailto:eugena.bisha@unishk.edu.al)

### ***Klubi Studentor "Smart Business Hub"***

Zhvillim idesh dhe aftësish për botën e biznesit  
[elvisa.drishti@unishk.edu.al](mailto:elvisa.drishti@unishk.edu.al)

### ***Klubi Studentor "Travel Thinkers"***

Eksplorim kulturor dhe ide për udhëtime  
[gentian.memaj@unishk.edu.al](mailto:gentian.memaj@unishk.edu.al)

### ***Klubi Studentor "Financa dhe Investimet"***

Aftësi praktike në fushën financiare  
[peter.saraçi@unishk.edu.al](mailto:peter.saraçi@unishk.edu.al)

### ***Klubi Studentor "Xhiro në Shkodër"***

Zbulim i vendeve turistike dhe trashëgimisë kulturore  
[elton.shpuza@unishk.edu.al](mailto:elton.shpuza@unishk.edu.al)

### ***Klubi Studentor "Klubi Letrar"***

Letërsi dhe krijimtari në gjuhën gjermane  
[karoline.kuttner@unishk.edu.al](mailto:karoline.kuttner@unishk.edu.al)

### ***Klubi Studentor "Kulturë dhe Jo Vetëm"***

Kulturë, gjuhë italiane dhe aktivitete artistike  
[lindita.kazazi@unishk.edu.al](mailto:lindita.kazazi@unishk.edu.al)

### ***Klubi Studentor "English Club"***

Gjuhë, kulturë angleze e amerikane dhe aktivitete artistike  
[nivis.deda@unishk.edu.al](mailto:nivis.deda@unishk.edu.al)

Të interesuarit mund të kontaktojnë koordinatorët e klubeve për më shumë informacion apo për t'u bërë pjesë aktive!

## Drejtoria e Marrëdhënieve me Publikun dhe Studentët

Drejtoria e Marrëdhënieve me Publikun dhe Studentët është struktura e universitetit që merret me ndërtimin dhe forcimin e komunikimit me studentët, median, komunitetin dhe partnerët institucionalë. Ajo koordinon aktivitetet studentore, promovon imazhin e universitetit dhe siguron transparencë e informim të vazhdueshëm për jetën akademike dhe sociale.

Sektori i Marrëdhënieve me Studentët është pjesë e Drejtorisë së Marrëdhënieve me Publikun dhe Studentët. Ky sektor ka për qëllim mbështetjen, orientimin dhe fuqizimin e studentëve gjatë gjithë rrugëtimit të tyre akademik dhe profesional. Nëpërmjet një sërë aktiviteteve të organizuara me kujdes dhe vizion, krijohen ura lidhëse ndërmjet studentëve, alumnëve dhe tregut të punës.

### Disa nga shërbimet që ofron ky sektor për studentët janë:

- ✓ Mbështetja dhe këshillimi i studentëve
- ✓ Komunikimi dhe informimi
- ✓ Organizimi i eventeve dhe aktiviteteve studentore
- ✓ Përfaqësimi i interesave të studentëve
- ✓ Zgjidhja e problemeve dhe konflikteve
- ✓ Mbështetja për integrimin dhe përfshirjen
- ✓ Mbështetja për karrierën dhe punësimin



## Aktivitetet Kryesore të Organizuara:

### *Panairi i Punës dhe i Karrierës*

Panairi i Punës dhe i Karrierës është një nga ngjarjet më të rëndësishme për punësimin e studentëve dhe të diplomuarve. Ky aktivitet krijon hapësirë takimi midis studentëve, të diplomuarve dhe përfaqësuesve të bizneseve e institucioneve. Ai u ofron të rinjve mundësi për t'u njohur me tregun e punës, për të mësuar mbi praktikat profesionale dhe ofertat e punës, si dhe për të ndërtuar kontakte të vlefshme për karrierën e tyre. Ky panair zhvillohet një herë në vit (zakonisht gjatë muajit Maj).

### *Çmimi i Karrierës*

Çmimi i Karrierës në universitet organizohet me qëllim vlerësimin dhe shpërblimin e studentëve e të diplomuarve që janë dalluar për arritjet e tyre akademike, profesionale dhe angazhimin në aktivitete shoqërore. Ai synon të inkurajojë përpjekjet individuale, të promovojë shembuj frymëzues suksesi dhe të forcojë lidhjen midis universitetit, tregut të punës dhe komunitetit.

### *Forumi i Alumnëve*

Forumi i Alumnëve në universitet është një platformë bashkimi për ish-studentët, që synon forcimin e lidhjeve me universitetin, shkëmbimin e përvojave profesionale dhe krijimin e rrjeteve të reja bashkëpunimi. Ai shërben si hapësirë për dialog, mentorim dhe nxitje të mundësive të reja në karrierë e zhvillim personal.

### *Ceremonia e Diplomimit*

Ky aktivitet është një moment solemn dhe festiv, ku vlerësohen përpjekjet, arritjet dhe përkushtimi i studentëve, duke i bërë ata pjesë të komunitetit të gjerë të alumnëve të universitetit. Përveçse një ditë krenarie për studentët dhe familjet e tyre, ceremonia e diplomimit forcon lidhjen mes universitetit, shoqërisë dhe tregut të punës, duke nënvizuar rolin e arsimit të lartë në formimin e profesionistëve të së ardhmes.

### *Trajnime me ekspertë*

Sektori i Marrëdhënieve me Studentët ofron një gamë trajnimesh praktike me ekspertë për zhvillimin personal dhe profesional të studentëve si: shkrimi i CV-së dhe i letrës së motivimit, aftësitë e intervistës së punës, zhvillimi i aftësive të buta (soft skills), menaxhimi i karrierës, aftësi prezantimi dhe të folurit në publik, aftësi negocimi dhe lidhship.

## **Panairi "Work & Study" – Forumi i Karrierës dhe Studimeve**

Ky është një event ku të rinjtë prezantohen me ofertën akademike të universitetit. Për më tepër ata njihen me mundësitë për punësim, praktika profesionale dhe programe të mëtejshme studimi, brenda dhe jashtë vendit. Gjatë këtij aktiviteti realizohen sesione informuese dhe këshillim për karrierën.

**Vizitoni zyrën tonë:**

**Drejtoria e Marrëdhënieve me Publikun dhe Studentët**

**Rektorati-Sheshi 2 Prilli, Kati i I**

**Kontakti në: [alumni\\_karriera@unishk.edu.al](mailto:alumni_karriera@unishk.edu.al)**



## **Njësia e Sigurimit të Brendshëm të Cilësisë**

Në Universitetin "Luigj Gurakuqi" funksionon Njësia e Sigurimit të Brendshëm të Cilësisë (NJSBC), e cila ka për qëllim vlerësimin dhe përmirësimin e cilësisë së mësimdhënies, kërkimit shkencor dhe infrastrukturës.

### **Çfarë roli kanë studentët?**

- ☒ Studentët vlerësojnë nëpërmjet pyetësorëve periodikë cilësinë akademike, infrastrukturën dhe shërbimet.
- ☒ Përgjigjet e tyre janë anonime dhe përdoren vetëm për përmirësimin e cilësisë në universitet.
- ☒ Duke marrë pjesë, studentët kontribuojnë drejtpërdrejt në rritjen e standardeve të studimeve dhe jetës universitare.

### **Pse është e rëndësishme?**

- ☒ Studentët japin mendimin e tyre për leksionet, praktikat dhe mënyrën e mësimdhënies.
- ☒ Ndihmojnë në përmirësimin e shërbimeve dhe ambienteve universitare.
- ☒ Kjo siguron që zëri i studentëve të dëgjohet në proceset vendimmarrëse.

## Infrastruktura

FSHE ofron një infrastrukturë të pasur dhe bashkëkohore për zhvillimin e mësimi dhe trajnimit praktik të studentëve:

Laboratori i ri Informatik, i hapur në kuadër të programit Erasmus.

Laboratori i Trajnimeve të Edukimit të Vazhduar (LTEV), pjesë e projektit TEAVET, me qëllim ofrimin e moduleve dhe trajnimeve të akredituara për mësuesit në arsimin parauniversitar. Laboratori ka për qëllim ofrimin e moduleve, trajnimeve të akredituara dhe certifikimin për mësuesit në arsimin parauniversitar në përputhje me nevojat dhe interesat e tyre. Këto mjedise, si pjesë e Departamentit të Mësuesisë, shërbejnë si hapësira profesionale ku studentët e Arsimit Fillor dhe Parashkollor zhvillojnë kreativitetin, aftësitë estetike dhe shprehjen personale. Ato përbëjnë terrene praktike ku teoria ndërthuret me përvojën artistike, duke i përgatitur studentët të bëhen mësues të ardhshëm krijues dhe inovativë. Dy laboratore arti në Departamentin e Mësuesisë:

- ☑ Laboratori i Artit Pamor
  - ☑ Laboratori i Edukimit Muzikor
- Departamenti i Arteve disponon:
- ☑ Laboratorin e Grafikës Artistike (në godinën e FSHE-së)
  - ☑ Laboratorin (studion) e Fotografisë (në godinën e Rektoratit)
  - ☑ Laboratorin e Tekstit (pjesërisht funksional, me bazë materiale të pplotësuar)
- Departamenti i Edukimit Fizik dhe Sporteve ka në dispozicion:
- ☑ Palestren e Universitetit
  - ☑ Stadiumin e qytetit të Shkodrës "Loro Boriçi"
  - ☑ Fushën "Reshit Rusi"
  - ☑ Laboratorët e Anatomisë, Fiziologjisë, Biokimisë dhe Fizikës
  - ☑ Sallat mësimore: gjithsej 32, nga të cilat 10 janë të dedikuara për leksione (me kapacitet mesatar prej 70 vendesh) dhe 5 janë laboratorë praktikë.

## Biblioteka e Universitetit të Shkodrës "Luigj Gurakuqi"

Biblioteka Universitare, e themeluar në vitin 1957, ka sot një fond prej rreth 111,000 librash në shqip dhe gjuhë të huaj, që mbulojnë të gjitha fakultetet e universitetit.

Godina aktuale e bibliotekës, një godinë bashkëkohore me tre kate dhe me sipërfaqe rreth 3000 m<sup>2</sup>, është përfunduar në vitin 2006.

Biblioteka zotëron koleksione të pasura si:

- ☑ Fondin alban - ballkanologjik;
- ☑ Fondin shqip dhe të shkencave filologjike të albanologjisë;
- ☑ Fondin e huaj;
- ☑ Bibliotekën austriake;
- ☑ Fondin e periodikut shqip dhe të huaj;
- ☑ Fondin e fakulteteve.




Në bashkëpunim me bibliotekën e qytetit "Marin Barleti" është krijuar portali: "Arkivat Digjitale Shkodër", i cili do vijë duke u pasuruar me vepra të tjera të trashëgimisë kulturore.

Biblioteka ofron për përdoruesit e saj një sërë shërbimesh si: shërbimin e informacionit dhe të huazimit, vë në dispozicion të tyre mediatekën, me 26 vende multimedia, si dhe tri salla leximi me 300 vende leximi në total. Godina e bibliotekës ka në përbërjen e saj edhe sallën e konferencave "Hoeflechner", me një kapacitet 120 vende, e cila mundëson zhvillimin e një sërë aktiviteteve të karakterit akademik, mësimdhënës apo promovuese.

Orari: Hënë–Premte 08:00–19:00 / Shtunë 08:00–13:00

Adresa: Rr. Jeronim De Rada, Shkodër, Albania

Email: bush@unishk.edu.al



## Palestra e Universitetit të Shkodrës "Luigj Gurakuqi"

Palestra e Universitetit të Shkodrës "Luigj Gurakuqi" është ndërtuar në vitin 2003. Ajo është një ndërtesë polivalente që disponon dy mjedise ku zhvillohen sportet e rënda & fitness-aerobia si edhe sala e madhe 30m x 20m (600m<sup>2</sup>), gjithsej 750 m<sup>2</sup>, ku zhvillojnë mësimin praktik studentët e programit të Edukimit Fizik e Sporte në lëndët e: basketbollit, volejbollit, gjimnastikës dhe orët praktike të lëndëve metodike të edukimit fizik.

Ndërtesa është e pajisur edhe me ambientet ndihmëse si banjo, dhomat e zhveshjes si për vajza dhe për djem dhe magazina e materialeve sportive.

Kjo palestër ka ndihmuar shumë në rritjen e aktivitetit të universitetit duke zhvilluar veprimtari të ndryshme sportive të organizuara nga Departmenti i Edukimit Fizik e Sporte. Këto veprimtari kanë ndikuar në përmirësimin e jetës aktive të studenteve duke i dhënë mundësi që të zhvillojnë aktivitete sportive brenda universitetit por dhe shkëmbime sportive me universitete të tjera brenda dhe jashtë vendit.

## Mensa studentore

Në shërbim të studentëve të Universitetit "Luigj Gurakuqi" funksionon mensa studentore, ofruar nga Bashkia Shkodër. Ky shërbim synon të garantojë ushqim të shëndetshëm dhe me çmime të përbalueshme për të gjithë studentët.

Mensa është menduar si një mbështetje konkrete për jetën e përditshme të studentëve, duke ofruar jo vetëm ushqim cilësor, por edhe një hapësirë sociale ku ata mund të kalojnë kohë së bashku jashtë orëve të mësimi.

## Konvikti i studentëve

Studentët e Universitetit "Luigj Gurakuqi" kanë mundësi të përfitojnë nga akomodimi në konviktin studentor të ofruar nga "Trajtimi Studentor" Sh.a. Shkodër. Ky shërbim ofrohet me tarifa të përbalueshme dhe është i menduar për të lehtësuar jetesën gjatë studimeve.

### **Konvikti ofron:**

- ☑ Dhoma të përshtatshme për studentë;
- ☑ Kushte bazë për jetesë dhe studim;
- ☑ Një ambient social ku studentët mund të krijojnë përvoja të përbashkëta jashtë auditorit.

Ky shërbim është një mbështetje e rëndësishme për studentët që vijnë nga rrethet apo që kanë nevojë për akomodim pranë universitetit.

# Pedagogët sipas departamenteve

## Departamenti i Psikologjisë dhe Punës sociale

| <b>Nr</b> | <b>Emër Mbiemër</b>              | <b>Adresa elektronike</b>        |
|-----------|----------------------------------|----------------------------------|
| 1         | Prof. Dr. Tonin Gjuraraj         | tonin.gjuraj@unishk.edu.al       |
| 2         | Prof. As. Dr. Fatbardha Osmanaga | fatbardha.osmanaga@unishk.edu.al |
| 3         | Prof. As. Dr. Visar Dizdari      | visar.dizdari@unishk.edu.al      |
| 4         | Dr. Elona Hasmuajaj              | elona.hasmuajaj@unishk.edu.al    |
| 5         | Dr. Adelina Kakija               | adelina.kakija@unishk.edu.al     |
| 6         | Dr. Arben Hoti                   | arben.hoti@unishk.edu.al         |
| 7         | Dr. Bujanë Topalli               | bujane.topalli@unishk.edu.al     |
| 8         | Dr. Galsvinda Biba               | galsvinda.biba@unishk.edu.al     |
| 9         | Dr. Jonida Lesha                 | jonida.lesha@unishk.edu.al       |
| 10        | Dr. Lediane Xhakollari           | lediana.xhakollari@unishk.edu.al |
| 11        | Dr. Brilanda Lumanaj             | brilanda.lumanaj@unishk.edu.al   |
| 12        | MSc. Elidjon Cami                | elidjon.cami@unishk.edu.al       |

## Departamenti i Mësuesisë

| <b>Nr</b> | <b>Emër Mbiemër</b>                   | <b>Adresa elektronike</b>    |
|-----------|---------------------------------------|------------------------------|
| 1         | Prof. Dr. Fatmir Vadohej              | fatmir.vadohej@unishk.edu.al |
| 2         | Prof. As. Dr. Eranda Halluni (Bilali) | eranda.bilali@unishk.edu.al  |
| 3         | Dr. Pranvera Kraja                    | pranvera.kraja@unishk.edu.al |
| 4         | Dr. Arlinda Ymeri                     | arlinda.ymeri@unishk.edu.al  |
| 5         | Dr. Megi Vjerdha                      | megi.shllaku@unishk.edu.al   |
| 6         | Dr. Rina Muka                         | rina.muka@unishk.edu.al      |
| 7         | MSc. Andi Hila (doktorant)            | andi.hila@unishk.edu.al      |
| 8         | MSc. Roland Guli                      | roland.guli@unishk.edu.al    |

## Departamenti i Edukimit Fizik e Sporte

| <b>Nr</b> | <b>Emër Mbiemër</b>              | <b>Adresa elektronike</b>     |
|-----------|----------------------------------|-------------------------------|
| 1         | Dr. Benjamin Naku                | benjamin.naku@unishk.edu.al   |
| 2         | Dr. Artan Kalaja                 | artan.kalaja@unishk.edu.al    |
| 3         | Dr. Fatjon Nurja                 | fatjon.nurja@unishk.edu.al    |
| 4         | Dr. Gjulio Zefi                  | gjulio.zefi@unishk.edu.al     |
| 5         | Dr. Nora Deda                    | nora.deda@unishk.edu.al       |
| 6         | MSc. Arbana Bekteshi             | arbana.bekteshi@unishk.edu.al |
| 7         | MSc. Ditmar Jubica (doktorant)   | ditmar.jubica@unishk.edu.al   |
| 8         | MSc. Nelson Hysa                 | nelson.hysa@unishk.edu.al     |
| 9         | MSc. Erjon Pecini (doktorant)    | erjon.pecini@unishk.edu.al    |
| 10        | MSc. Gentiana Nicaj (doktorante) | gentiana.nicaj@unishk.edu.al  |

## Departamenti i Arteve

| <b>Nr</b> | <b>Emër Mbiemër</b>     | <b>Adresa elektronike</b>        |
|-----------|-------------------------|----------------------------------|
| 1         | Dr. Rubin Mandija       | rubin.mandija@unishk.edu.al      |
| 2         | Dr. Migena Kecaj        | migena.selcetaj@unishk.edu.al    |
| 3         | MSc. Dorjan Ulaj        | dorjan.ulaj@unishk.edu.al        |
| 4         | MSc. Eremire Jahja      | eremire.jahja@unishk.edu.al      |
| 5         | MSc. Ergys Pirani       | ergys.pirani@unishk.edu.al       |
| 6         | MSc. Eros Dibra         | eros.dibra@unishk.edu.al         |
| 7         | MSc. Markelian Kapidani | markelian.kapidani@unishk.edu.al |
| 8         | MSc. Nirvana Baja       | nirvana.baja@unishk.edu.al       |
| 9         | MSc. Senad Xhexhovi     | senad.xhexhovi@unishk.edu.al     |
| 10        | MSc. Sidi Kanani        | sidi.kanani@unishk.edu.al        |

